

■ TRIBUNA POLITICA

Polycom per la segirezza

Ina investiziun per la segirezza da nosa populaziun

DA CHRISTIAN RATHGEB,
CUSSEGLIER GUVERNATIV

Polycom è il sistem naziunal da func per las autoritads e per las organizaziuns da salvament e da segirezza. El permetta il contact da func tant entaifer sco er tranter differentas organisaziuns sco guardias da cunfin, polizia, pum-piers, servetschs da salvament sanitar, federaziuns da protecciun civila che sustegnan larmada ed organizaziuns chil chantun ha integrà supplementar-main (vischnancas, uffizis da construcziun bassa, pum-piers, uffizi da chatscha e pestga).

Cun questa rait da func unitara en l'entira Svizra pon communitgar tut las organizaziuns da segirezza e d'emprim agid, sco la polizia, il corp da guardias da cunfin, l'armada, ils pum-piers, la protecciun civila ed ils servetschs da salvament, e quai senza che lur discurs possian vegnir tadlads giu. La rait da func per la segirezza Polycom dal Grischun duai vegnir manada e mantegnida d'in center da competenza che sutstat a la responsabladad cuminaivla dal chantun e dal corp da guardias da cunfin e ch'è domicilià tar la polizia chantunala dal Grischun.

Las 91 staziuns da basa garanteschon ina rait da func che cumpiglia 92 pertschient dal territori chantunal. Sin fundament



da la gronda part da muntognas e da guaud po quai vegnir resguardà sco bun. Grazia a questa buna rait da func vegnan provididas er las valladas perifericas. Er en questas vals è pia garantida la basa per manar acziuns da la polizia chantunala sco er da las vischnancas tras la rait da func per la segirezza Polycom dal Grischun.

La rait da func per la segirezza Polycom dal Grischun è vegnida prenda en funcziun dal chantun gia il settember 2012. La rait da func per la segirezza Polycom dal Grischun augmenta la segirezza en il chantun permettend a tut las organizaziuns partecipadas da reglar en moda pli speditiva e pli segira il dar dumogn ad eveniments generals u extraordinaris. En il fratemp han ins pudì far experientschas positivs cun duvrar Polycom a chaschun da differents eveniments e cun experimentar la collavuraziun tranter la polizia chantunala, ils pum-piers, la sanitad ed er l'armada. Uschia en

spezial er al forum economic che ha lieu mintg'onn a Tavau.

Ils 17 doctober 2014 han il chantun Grischun e la confederaziun sutscrit ina cunvegna che regla il manaschi ed il mantegniment da la rait da func per la segirezza Polycom dal Grischun. En la cunvegna vegnan descrits ils dretgs ed ils duais che la polizia chantunala ed il corp da guardias da cunfin han per garantir in manaschi da 24 uras da la rait da func. Ultra da quai survegnan la polizia chantunala ed il corp da guardias da cunfin il dretg vicendaivel da pudair duvrar la tecnica da func e l'infrastructura d'ina piazza d'antenna ch'è en proprietad e responsabladad da l'autra partida. Pli-navant vegni fixà tge partida ch'è responsabla per mantegnair las infrastructuras respectivass.

Linvestiziun da milliuns francs tras il corp da guardias da cunfin e tras il chantun sco er il contract da cooperaziun effizient cun la direcciun generala da duana ans procuran in sistem da func per la segirezza effectiv ed optimal en noss chantun ed a favur da nosa populaziun. Quai è bun uschia, perquai che senza ina colliaziun segira e colliada en ina rait che stat a disposiziun da tuttas uras n'èsi betg pussaivel da garantir in'acziun cun cleras finamiras da nossas organizaziuns da segirezza e da salvament.